

30 հունիսի 2022թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 444283/18

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 30.06.2022թ. թիվ 20818 վարչական իրավախախտման վերաբերյալ արձանագրությունը, քննելով թիվ 20818 վարույթը և կից նյութերը,

ՊԱՐԶԵՑԻ

<<Ձեռարկեստի զարգացման>> հիմնադրամի տնօրեն Կարլ Նորֆորդ Ուլբրիխտը (ՀՎՀՀ 03551849, ք. Երևան, Այգեստան 9-րդ փողոց 31, անձնագիր՝ AH0001033), համաձայն <<Հիմնադրամների մասին>> ՀՀ օրենքի 39-րդ հոդվածով սահմանված ժամկետում Հիմնադրամների կողմից հրապարակվող հաշվետվությունների համար նախատեսված կայքում թերի է հրապարակել հիմնադրամի 2021 թվականի գործունեության վերաբերյալ հաշվետվությունը /1/ Հաշվի առնելով, որ Հաշվետվության 2-4-րդ կետերում լրացված են հիմնադրամի միջոցներից օգտված ֆիզիկական անձանց վերաբերյալ տեղեկատվություն, ապա 12-րդ կետում պետք է լրացված լինեին նաև ֆինանսական տարում օգտագործված միջոցների ընդհանուր չափի վերաբերյալ տեղեկատվությունը: 2) Հարկային մարմնում առկա տեղեկատվության համաձայն՝ հիմնադրամի կողմից կատարվել են ծախսեր, մինչդեռ հաշվետվության 12-րդ կետում բացակայում է դրա վերաբերյալ տեղեկատվությունը/, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169.18 հոդվածով:

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի մասին չի ներկայացել: Գործում առկա չէ գրավոր առարկություն կամ բացատրություն:

Նկատի ունենալով, որ արարքը նախատեսված է Վարչական իրավախախտումների վերաբերյալ ՀՀ օրենսգրքի 169.18 հոդվածի 1-ին մասով, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169.18 հոդվածի 1-ին մասի, Կարլ Նորֆորդ Ուլբրիխտի նկատմամբ կիրառել նախազգուշացում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Համաձայն <<Վարչական իրավախախտումների վերաբերյալ>> ՀՀ օրենսգրքի 169¹⁸ հոդվածի,

Հիմնադրամների կողմից հաշվետվությունը թերի հրապարակելը, օրենքով սահմանված կարգով և ժամկետներում հիմնադրամների կողմից հաշվետվությունը չհրապարակելը

առաջացնում է նախազգուշացում հիմնադրամների պաշտոնատար անձանց նկատմամբ:

Նախատեսված նախազգուշացման նշանակման մասին որոշմանը իրազեկվելու օրվանից հետո՝ երեսուն օրվա ընթացքում, հիմնադրամի կողմից նախատեսված խախտումը (խախտումները) չվերացնելը՝

առաջացնում է տուգանքի նշանակում հիմնադրամների պաշտոնատար անձանց նկատմամբ՝ սահմանված նվազագույն աշխատավարձի հիսնապատիկի չափով:

Տուգանքի նշանակման մասին որոշմանը իրազեկվելու օրվանից հետո՝ երեսուն օրվա ընթացքում, հիմնադրամի կողմից սույն հոդվածով նախատեսված խախտումը (խախտումները) չվերացնելը՝

առաջացնում է տուգանքի նշանակում հիմնադրամների պաշտոնատար անձանց նկատմամբ՝ սահմանված նվազագույն աշխատավարձի երկուհարյուրապատիկի չափով:

Ստացա որոշման պատճենը _____